

ВТОРНИК ВЕЛИКОЙ СЕДМИЦЫ

В ТОЙЖЕ СВЯТЫЙ И ВЕЛИКИЙ ВТОРНИК ВЕЧЕРА,

Во светильничное, обычное стихословие, на Господи воззвах, поставим стихов 10, и поем стихиры самогласны.

Глас 1: Во светлостех святых Твоих, / како вниду недостойный? / Аще бо дерзну совнити в чертог, / одежда мя обличает, яко несть брачна, / и связан извержен буду от ангелов: / очисти Господи скверну души моя, / и спаси мя яко Человеколюбец.

Глас 2: Душевною леностию воздремавша, / не стяжах Женише Христе, / горяща светильника иже от добродетелей, / и девам уподобихся буим, / во время делания глумляся: / утробы щедрот Твоих не затвори мне Владыко, / но оттряс мой омраченный сон, / возстави Милостиве, / и с мудрыми введи девами в чертог Твой, / идеже глас чистый празднующих, / и вопиющих непрестанно: / Господи слава Тебе.

Глас 4: Скрывшаго талант осуждение слышавши, / о душе, не скрывай словесе Божия, / возвещай чудеса его, / да умножаючи дарование, / внидеши в радость Господа твоего.

Глас 6: Приидите вернии, / делаим усердно Владыце: / подала бо рабом богатство, / и по равенству кийждо многоусугубим благодати талант: / ов убо мудрость да приносит дела благими, / ов же службу светлости да совершает: / да приобщается же словом верный, / тайны ненаученному, / и да расточает богатство убогим другим. / Сице бо заимованное многоусугубим, / и яко строителие вернии благодати, / Владычния радости сподобимся: / тоя нас сподоби Христе Боже, яко Человеколюбец.

Егда приидеши во славе со ангельскими силами, / и сядеши на престоле Иисусе разсуждения, / да мя Пастырю Благий не разлучиши, / пути бо десныя веси, / возвращени же суть шуии. / Да не убо с козлици грубаго мя / грехом погубиши: / но десным мя сочетава овцам, / спаси яко Человеколюбец.

Женише добротою красный паче всех человек, / призвавый нас к трапезе духовней чертога Твоего, / нелепый мой зрак прегрешений совлецы, / причастием страданий Твоих, / и одеждею славы украсив Твоя красота, / сообедника светла мя покажи Твоего Царствия, / яко Милосерд.

Слава, и ныне, глас 7:

Се тебе талант Владыка вверяет душе моя: / страхом приими дар, заимствуй давшему ти, / раздавай нищим, и стяжи друга Господа, / да станеша одесную Его, / егда приидет во славе, / и услышиши блаженный глас: / вниди рабе в радость

Господа твоего. / Тоя достойна мя сотвори Спасе заблудившаго, / великия ради Твоея милости.

Вход со Евангелием. Свете тихий:

Прокимен, псалом 131, глас 6: Воскресни Господи в покой Твой, Ты и кивот Святыни Твоея.

Стих: Помяни Господи Давида, и всю кротость его.

Исхода чтение. [Глава 2, ст. 5 – 10.]

Сниде дочь фараонова измытиса на реку, и рабыни ея проходяду при реце: и видевши ковчежец в лучице, пославши рабыню, взя и. Отверзши же, видит отроча плачущееся в ковчежце, и пощаде е дочь фараоня, и рече: от детей еврейских сие. И рече сестра его дщери фараонове: хощеш ли призову ти жену кормилицу от еврей, и воздой ти отроча? И рече ей дочь фараонова: иди. Шедши же отроковица, призва мать отрочате. Рече же к ней дочь фараонова: соблюди ми отроча сие, и воздой ми е: аз же дам ти мзду. Взя же отроча жена, и дояше е. Возмужавшу же отрочати, введе е ко дщери фараонове, и бысть ей в сына: и нарече имя ему Моисей, глаголющи: от воды взял его.

Прокимен, псалом 132, глас 4: Се что добро, или что красно, но еже жити братии в купе.

Стих: Яко миро на главе, сходящее на браду, браду Аарону.

Иова чтение. [Глава 1, ст. 13 – 22]

Бысть яко день сей, сынове Иовлевы и дщери его пяху вино в дому брата своего старейшаго. И се вестник прииде ко Иову, и рече ему: супруги волов оряху, и ослицы пасяхуся близ их: И пришедше пленители плениша их, и отроки избиша мечем, и спасохся аз един, и приидох возвестити тебе. Еще сему глаголющу, прииде ин вестник, и рече ко Иову: огонь спаде с небесе, и пожже овцы, и пастыри пояде подобне: спасохся же аз един, и приидох возвестити тебе. Еще сему глаголющу, прииде ин вестник, и рече ко Иову: конницы сотвориша начальства три, и окружиша вельблюды, и плениша их, и отроки избиша мечми: спасохся же аз един, и приидох возвестити тебе. Еще сему глаголющу, ин вестник прииде, глаголя Иову: сыном твоим, и дщерем твоим ядущим и пиющим у брата своего старейшаго, внезапно ветр велик найде от пустыни, и коснеся четверем углом храмины, и паде храмина на дети твоя, и скончашася: спасохся же аз един, и приидох возвестити тебе. Тако [услышав] Иов, востав растерза ризы своя, и остриже власы главы своя, [и посыпа перстию главу свою,] и пад на землю, поклонися [Господеви], И рече: сам наг изыдох от чрева матере моея, наг и отыду тамо: Господь даде, Господь отъят: яко Господеви изволися, тако бысть: буди имя Господне благословенно [во веки]. Во всех сих приключившихся ему ничтоже согреша Иов пред Господем [ниже устнама своима], и не даде безумия Богу.

И абие, Да исправится молитва моя:

Евангелие от Матфеа, зачало 102. [Мф. 24, 36 – 26, 2.]

Рече Господь Своими учеником: **О** дни же томъ и часѣ никтоже вѣсть, ни ангели небни, токми оцъ мой единый: якоже (во бысть во) дни ноевы, такъ вѣдетъ и пришествіе сѣа члвческаго: якоже бо вѣхъ во дни прежде потопа идѣще и пьюще, женѣцеса и послѣгующе, до негѣже днѣ вниде нѣе въ ковчегъ, и не оубѣдѣша, дондеже прїиде вода и взѣтъ всѣ: такъ вѣдетъ и пришествіе сѣа члвческаго: тогда двѣ вѣдѣта на селѣ: единый поѣмлетса, а другїй ѡставляѣтса: двѣ мелющѣ въ жерновѣхъ: единая поѣмлетса, и единая ѡставляѣтса. **Б**дите оубо, ѣкв не вѣстѣе, въ кїи часъ гдѣ вашъ прїидетъ. **С**їе же вѣдите, ѣкв ѣще вы вѣдали домъ владыка, въ кѣю стражѣ тѣтъ прїидетъ, вѣдалъ оубо вы и не вы дали подкопати храма своего. **С**егѣ ради и вы вѣдите готови: ѣкв, въ онъже часъ не минтѣ, сѣтъ члвчeskїй прїидетъ. **К**тѣ оубо ѣсть вѣрный рабъ и мѣдрый, егѣже поставитъ господинъ егѣ надъ домомъ своимъ, ѣже дати имъ пицѣ во время (їхъ); блженъ рабъ той, егѣже, приѣдѣтъ господинъ егѣ, ѡбращѣтъ такъ творѣца: аминъ глѣ вамъ, ѣкв надъ всѣмъ имѣнїемъ своимъ поставитъ егѣ. **А**ще ли же речѣтъ слый рабъ той въ сѣрды своимъ: коснитъ господинъ мой прїити, и начнетъ бити клеветы своѣ, ѣсти же и пити съ пїаницами: прїидетъ господинъ раба того въ дѣнь, въ онъже не чаетъ, и въ часъ, въ онъже не вѣстѣ, и растѣшетъ егѣ поля, и часть егѣ съ невѣрными положитъ: тѣ вѣдетъ плачь и скрежетъ зѣвомъ. **Т**огда оуподобиса црствіе небное десѣтиамъ дѣвамъ, ѣже прїѣша свѣтїльники своѣ и изыдоша въ срѣтенїе женихѣ: пѣтъ же вѣ ѡ нїхъ мѣдры и пѣтъ юрѣдивы. **Ю**рѣдивыя же, прїѣшавъ свѣтїльники своѣ, не взѣша съ собою елѣа: мѣдрыя же прїѣша елѣй въ сосѣдѣхъ со свѣтїльники своимъ: коснѣщѣ же женихѣ, воздрѣмашасѣ всѣ и спѣхѣ. **П**олночи же воплъ бысть: сѣ, женихъ грѣдетъ, исхѣдите въ срѣтенїе егѣ. **Т**огда востѣша всѣ дѣвы тѣмъ и оукрашѣша свѣтїльники своѣ. **Ю**рѣдивыя же мѣдрымъ рѣша: дадите намъ ѡ елѣа вашѣго, ѣкв свѣтїлицы наши оугасѣютъ. **О**вѣщѣша же мѣдрыя, глаголющѣ: еда какъ не достѣнетъ намъ и вамъ: идите же пѣче къ продающымъ и кѣпите сѣбѣ. **И**дѣщымъ же имъ кѣпїти, прїиде женихъ: и готовыя внидоша съ нїмъ на браки, и затворѣны быша двѣри. **П**ослѣдїи же прїидоша и

прочыа дѣвы, глаголюща: гóсподи, гóсподи, ѿвѣрзи намъ. **О**нъ же ѿвѣщаваъ рече ѿмъ: аминъ глаголю вамъ, не вѣмъ васъ. **Б**дите оубо, ѿкѡ не вѣсте днѣ ни часа, въ оныѣ снѣ члвческѣй прїидеть. **И**акоже бо чловчкъ нѣкїй ѿходѣ призвѣ своѣ рабѣ и предаде ѿмъ имѣнїе свое: и овомѡ оубѡ даде пѣть талантъ, овомѡ же два, овомѡ же єдинъ, комѣждо протївѣ силы єгѡ: и ѡиде ѡвѣе. **Ш**едъ же прїемый пѣть талантъ, дѣла въ нѣхъ и сотвори дрѡгѣа пѣть талантъ: такожде и ѿже два, приоврѣте и той дрѡгѣа два: прїемый же єдинъ, шедъ вкопѣ (єгѡ) въ зѣмлю и скрѣ сребрѡ господїна своегѡ. **П**о мнѡзѣ же времени прїиде господїнъ рабѣ тѣхъ и стѡзѡса съ нїми ѡ словесї. **И** пристѡпль пѣть талантъ прїемый, принесѣ дрѡгѣа пѣть талантъ, глагола: гóсподи, пѣть талантъ ми єси прѣдалъ: сѣ, дрѡгѣа пѣть талантъ приоврѣтохъ ѿми. **Р**ече же ємѡ господь єгѡ: добрѣ, рабе благїй и вѣрный: ѡ малѣ былъ єси вѣренъ, надъ мнѡгими тѣа постѡвию: вниди въ радѡсть гóспода твоегѡ. **П**ристѡпль же и ѿже два таланта прїемый, рече: гóсподи, два таланта ми єси прѣдалъ: сѣ, дрѡгѣа два таланта приоврѣтохъ ѿма. **Р**ече (же) ємѡ господь єгѡ: добрѣ, рабе благїй и вѣрный: ѡ малѣ (ми) былъ єси вѣренъ, надъ мнѡгими тѣа постѡвию: вниди въ радѡсть гóспода твоегѡ. **П**ристѡпль же и прїемый єдинъ талантъ, рече: гóсподи, вѣдахъ тѣа, ѿкѡ жѣстокъ єси чловчкъ, жнѣши, идѣже не сѣлаъ єси, и собираѣши идѣже не расточїлъ єси: и оубоѡвса, шедъ скрѣхъ талантъ твоѡ въ зѣмлю: (и) сѣ, ѿмаши твоѣ. **Ѧ**вѣщаваъ же господь єгѡ рече ємѡ: лѡкавый рабе и лѣнївый, вѣдѣла єси, ѿкѡ жнѡ идѣже не сѣлахъ, и собираю идѣже не расточїхъ: подобѡше оубѡ тебѣ вѣдѣти сребрѡ моѡ торжнїкѡмъ, и прїшедъ ѡзъ взѡлъ быхъ своѡ съ лѣхѡю: возмїте оубѡ ѿ негѡ талантъ и дадїте ѿмѡцемѡ дѣсѣть талантъ: ѿмѡцемѡ бо вездѣ данѡ вѣдетъ и прїезвѣдетъ: ѿ немѡцагѡ же, и єже мнїтса ѿмѣа, взѡто вѣдетъ ѿ негѡ: и неключїмаго раба вѣрзїте во тмѡ кролѣшнїю: тѡ вѣдетъ плачь и скрѣжетъ звѡмъ. **С**їа гѣа возгласї: ѿмѣа ѡушы слышати да слышїтъ. **Є**гда же прїидеть снѣ члвческѣй въ славѣ своѣй и всї стїи ѡггїи съ нїмъ, тогда сѣдетъ на прѣтолѣ славы своѣа, и соверѣтса прѣдъ нїмъ всї ѡзыцы: и разлчїтъ ѿхъ дрѡгъ ѿ дрѡга, ѿкоже пѣстырь разлчѣетъ овцы ѿ кѡзлицъ: и постѡвїтъ овцы ѡдѣснѡ себѣ, а кѡзлица ѡшѡю. **Т**огда речѣтъ црѣ сѡщымъ ѡдѣснѡ єгѡ: прїидїте, блгвѣннїи оцѡа моегѡ, наслѣдѡйте оубѡготѡванное вамъ црѣтвїе

Ѡ сложѣніа міра: взалкахса бо, и дасте ми ѣсти: возжадохса, и напоите мѧ: страненъ вѣхъ, и введѡсте менѣ: нагъ, и ѡдѣласте мѧ: боленъ, и посѣтите менѣ: въ темницѣ вѣхъ, и прїидѡсте ко миѣ. **Т**огда Ѡвѣщяютьъ емѣ прѣвницы, глаголюще: гди, когда тѧ видѣхомъ ѧчѡца, и напитѧхомъ; или жаждѡца, и напоихомъ; когда же тѧ видѣхомъ странна, и введѡхомъ; или нага, и ѡдѣлахомъ; когда же тѧ видѣхомъ болѡца, или въ темницѣ, и прїидѡхомъ къ тебѣ; **И** Ѡвѣщявъ црѣ речѣтъ имъ: аминь глѡ вамъ, понѣже сотвористе единомѡ сѧхъ братїи моихъ меншихъ, миѣ сотвористе. **Т**огда речѣтъ и сѡщымъ ѡшѡю (εγω): идите Ѡ менѣ, проклѧтии, во Ѡгнь вѣчный, ѡготованный дѧволъ и аггеломъ εγω: взалкахса бо, и не дасте ми ѣсти: возжадохса, и не напоите менѣ: страненъ вѣхъ, и не введѡсте менѣ: нагъ, и не ѡдѣласте менѣ: боленъ и въ темницѣ, и не посѣтите менѣ. **Т**огда Ѡвѣщяютьъ емѣ и тїи, глаголюще: гди, когда тѧ видѣхомъ ѧчѡца, или жаждѡца, или странна, или нага, или больна, или въ темницѣ, и не послажихомъ тебѣ; **Т**огда Ѡвѣщяетъ имъ, глѡ: аминь глѡ вамъ, понѣже не сотвористе единомѡ сѧхъ меншихъ, ни миѣ сотвористе. **И** идѡтъ сїи въ мѡкъ вѣчнѡю, прѣвницы же въ животъ вѣчный. **И** бысть, егда скончѧ иисъ всѧ словеса сѧ, речѣ ѡчїнкѡмъ своимъ: вѣсте, ѧкѡ по двоѡ днѡ пасха вѣдетъ, и сѧ члѡвѣчскїи прѣданъ вѣдетъ на пропѧтїе.

И прочая Пржедѡсвященных.

**Во СВЯТЫЙ и ВЕЛИКИЙ ВТОРНИК ПОВЕЧЕРИЕ ВЕЛИКОЕ
НА НЕМЖЕ ПОЕМ ТРИПЕСНЕЦ, ТВОРЕНИЕ ГОСПОДИНА АНДРЕА КРИТСАГО.**

Глас 2.

Песнь 3.

Ирмос: **Неплодствовавший мой ум, / плодоносен Боже покажи ми, / делателю добрых, / насадителю благих, / благоутробием Твоим.**

Кончины время, обратимся прочее, Христос учит: приидет бо во мгновении, приидет и не умедлит, судити миру всему.

Внезапное Своего пришествия Христос являя, рече, Ноево древле ненадежное тление, навестися хотящее земли.

Отверзся чертог, украсися с ним Божественный брак, Жених близ призывай нас, уготовимся прочее.

Симонов дом, невместимаго везде, вмести Тя Иисусе Царю, и жена грешная миром Тя помаза.

Благовония таинственного исполнена жена, первого избавися зловония Спасе, многих грехов. Мирю бо источаеши жизни.

Небесная пища алчущим, животе сам сый, ял еси Христе с человеки, проявляя снисхождение Твое.

Неблагодарный ученик, отвергся Тебе Христе, соборище всебеззаконных людей сподвизаше на Тя, на предание обращайся.

Слава: **С**о Отцем Тебе Сыну, и Духу правому, единому Естеству поклоняюся и воспеваю, Лицы разделяя, и Существом соединяя.

И ныне, Богородичен: **Р**ождающая Тя Агница, Пастыря и Агнца, присно молит Иисусе Боже, о всех людех верующих в Тя.

Седален, глас 1.

Подобен: Лик ангельский:

Се лукавый совет воистинну / собрася неистовно, / яко осужденника осудити, / горе сидящаго, яко Судию всех Господа: / ныне собирается с Пилатом Ирод, / Анна, вкупе же и Каиафа, / испытати единого долготерпеливаго.

Песнь 8.

Ирмос: **В** купине Моисею Девы чудо, / на Синайстей горе прообразившаго иногда, / пойте, благословите, / и превозносите во вся веки.

Не неведый время нашего скончания, держай веки, день оный не ведети предрече: но пределы всем положи к смиренномудрию.

Егда сядеши Судие, разлучаяй, якоже рекл еси, пастырь от овец козлища Спасе, стояния онаго избави нас, не лиши же нас Божественныя десницы Твоя.

Ты еси Пасха наша, пожренный за всех, яко Агнец и Жертва, и прегрешений очищение, и Твоя Божественныя страсти превозносим Христе, во вся веки.

Древу уподобися, и селу, и храмину, все житие душе моя: темже стяжи к Богу готово сердце, да не что тлением плоти оставиши.

Не к фарисеом Спасе, ни к Симону токмо изволил еси во храм на снедь внити: но уже и мытари вкупе и блудницы, Твое почерпают милосердие.

Сребролюбие рачительствуяй предатель Иуда, о истощившемся мире печашеся: прочее же о продании Владыки, к беззаконным пришел о цене согласоваше.

О блаженных рук! о власов и устен целомудренныя блудницы! Имиже возлия, Спасе, миро на нозе Твои, отираючи я, и часто облобызаючи.

Возлежащу Тебе Слове, жена представши, и у ног рыдаючи, сткляницу Спасе истоци мира на главу Тебе безсмертнаго мира.

Благословим Отца, и Сына, и Святаго Духа, Господа.

Со Отцем Сына и Святаго Духа, Святую Троицу в Божестве едином славим, вопиюще: Свят, Свят, Свят еси во веки.

И ныне, Богородичен: Молитвами Спасе, Пречистыя Твоя Матере, и Твоих апостол, милости Твоя нам низпосли богато, и мир Твой подаждь людем Твоим.

Таже: Хвалим, благословим, поклоняемся Господеви:

Ирмос: В купине Моисею Девы чудо, / на Синайстей горе прообразившаго иногда, / пойте, благословите, / и превозносите во вся веки.

Песнь 9.

Ирмос: Преестественно плотию / Заченшую во чреве, / от Отца безлетно предвозсиявшее Слово, / в песнях немолчных / величаем вернии.

Делания время, спасения намерение: талант взявши, древний образ, душе моя, купи вечную жизнь.

Яко свечи светлыя украсивше души, Жениху приходящу к нетленному браку, прежде заключения дверей, внидем с Ним.

Показати хотя Иисусе, преестественное Твоего смирения всем, ял еси в дому Симонове вечеряв, алчущих пище.

Хлеб сый животворящий, снел еси Иисусе с Симоном фарисеем, да блудница приобрящет некупимую благодать Твою, истощанием мира.

Руце мои сквернаве, устне блудничи во мне, нечисто мое житие, растленны уды: но ослаби ми, и остави, вопиет блудница Христу.

Приступльши жена к ногама Твоима Спасе, возливаше миро, благоухания исполняючи, и мира исполняема дел очищения.

Ароматы богатею, добродетельми же ниществуую, яже имам, Тебе приношу: даждь Сам, яже имаши, и ослаби ми, и остави, вопиет блудница Христу.

Миро у мене тленное, миро у Тебе жизни, миро бо Тебе имя изливанное на достойныя: но ослаби ми, и остави, вопиет блудница Христу.

Слава: Безначален еси Отче, несозданен еси Сыне, сопрестолен и Душе, едино три Естеством, и три Лицами, един Бог истинный.

И ныне, Богородичен: Богородице, упование чтущих Тя присно, не престай молящи из Тебе Родившагося, избавити мя бед, и всяких искушений.

Ирмос: Преестественно плотию / Заченшую во чреве, / от Отца безлетно предвозсиявшее Слово, / в песнях немолчных / величаем вернии.

СРЕДА ВЕЛИКОЙ СЕДМИЦЫ

Во Святую и Великую Среду, на Утрени

По шестопсалмни Аллилуиа, на глас 8, и тропарь.

Глас 8:

Се Жених грядет в полунощи, / и блажен раб, егоже обрящет бдяща: / недостойн же паки, егоже обрящет унывающа. / блюди убо душе моя, / не сном отяготися, / да не смерти предана будеши, / и Царствия вне затворишися, / но воспрями зовущи: / Свят, Свят, Свят еси Боже, / Богородицею помилуй нас. **[Трижды.]**

Таже обычное стихословие с поклоны.

По 1 стихословии седален, глас 3.

Подобен: Красоте девства:

Блудница приступи к Тебе, / миро со слезами изливающи на нозе Твои Человеколюбче, / и смрада зол избавляется повелением твоим! / Дыша же благодать Твою ученик неблагодарный, / сию отлагает, и смрадом одевается, / сребролюбием продавая Тебе. / Слава Христе благоутробию Твоему.

Слава, и ныне, тойже.

По 2-м стихословии седален, глас 4.

Подобен: Удивися Иосиф:

Иуда льстец, сребролюбия рачительствуй, / предати Тя Господи, / сокровище живота, лестно поучашеся, / отонудуже и упився, / течет ко иудеом, глаголет беззаконным: / что ми хотите дати, / и аз вам предам, во еже распяти Его?

Слава, и ныне, тойже.

По 3-м стихословии седален, глас 1.

Подобен: Гроб Твой:

Блудница в плаче вопияше Щедре, / отираючи тепле пречистей Твои нозе власы главы своея, / и из глубины стеньящи: / не отрини мя, ниже омерзи Боже мой: / но прими мя кающуюся, / и спаси яко един Человеколюбец.

Слава, и ныне, тойже.

Чтения же вся от сказания, еже от Матфеа святаго Евангелиа дне. Таже Евангелие от Иоанна, зачало 41, близ конца, без преступки: “Во время оно, свидетельствоваше народ сый со Иисусом, егда Лазаря возгласи от гроба:” **Конец в зачале 43-м:** “Яже убо аз глаголю, якоже рече Мне Отец, тако глаголю.”

Евангелие от Иоанна, зачало 41. [Ин. 12, 17 – 50.]

Во время оно: **С**видѣтельствоваше ѹво народъ, ѣже вѣ (прѣжде) съ нимъ, егда лазарь возгласи ѿ гроба и воскрѣси егò ѿ мѣртвыхъ: сегò ради и сръте егò народъ, ѣкѡ слышаша егò сѣ сотворша знаменїе. **Ф**арїсеѹ ѹво рѣша къ севѣ: видите, ѣкѡ ни каже польза єсть; сѣ, мїръ по немъ ѣдетъ. **Б**ахъ же нѣцыи єлини ѿ пришѣдшихъ, да поклонѣтсѡ въ прѣзникъ: сїи ѹво пристѣпиша къ фїліппъ, ѣже вѣ ѿ вѣсаїды галїейскїа, и молахъ егò, глаголюще: гòсподи, хòцѣмъ и҆са видѣти. **П**рїиде фїліппъ и глагола андрѣови: и паки андрѣй и фїліппъ глаголаста и҆сови. о҆йсъ же ѿвѣща и҆ма, гла: прїиде часъ, да прославитсѡ снъ члвчскїй: амїнь, амїнь гла вамъ: ѣще зѣрно пшенично падъ на земли не о҆умретъ, тò єдино пребываетъ: ѣще же о҆умретъ, многъ плодъ сотворитъ: любай дѣшъ свою погѣбитъ и҆, и ненавидай дѣшъ свою въ мїръ сѣмъ въ живòтъ вѣчный сохранитъ и҆: ѣще кто мнѣ слѣжитъ, мнѣ да послѣдствуетъ, и ѣдетъ же єсмь азъ, тѣ и слѣга мой вѣдетъ: и ѣще кто мнѣ слѣжитъ, почитъ егò оцъ (мой): нѣ дѣшъ моа возмѣтсѡ: и что рекѣ; о҆че, сїи мѡ ѿ часа сегò: но сегò ради прїидохъ на часъ сѣй: о҆че, прослави и҆ма твоє. **П**рїиде же гласъ съ небесє: и прославихъ, и паки прославию. **Н**ародъ же стоай и слышавъ, глаголахъ: громъ вѣсть. **И**ни глаголахъ: аггль глагола емѣ. **ѿ**вѣща и҆съ и рече: не менє ради гласъ сѣй вѣсть, но народа ради: зи нѣ сѣдъ єсть мїръ сѣмъ: нѣ князь мїра сегò изгнанъ вѣдетъ вонъ: и ѣще азъ вознесенъ вѣдѣ ѿ земли, всѡ привлечѣ къ севѣ. **С**їе же глаше, назнаменѣа, коєю смѣртїю хоташе о҆умрѣти. **ѿ**вѣща емѣ народъ: мы слышашомъ ѿ закона, ѣкѡ хрїтòсъ пребываетъ во вѣки: какѡ ты глѣши: возвестсѡ подобаетъ снѣ члвчскомъ; кто єсть сѣ снъ члвчскїй; **Р**ече же и҆мъ и҆съ: єще мало время свѣтъ въ васъ єсть: ходите, дондеже свѣтъ и҆мате, да тма васъ не и҆метъ: и ходай во тмѣ не вѣсть, камѡ ѣдетъ: дондеже свѣтъ и҆мате, вѣрѣйте во свѣтъ, да сынове свѣта вѣдете. **С**їа гла и҆съ, и ѿшѣдъ скрїсѡ ѿ нихъ. **Т**олїка знаменїа сотворшѣ емѣ прѣд ними, не вѣровахъ въ него, да свѣдетсѡ слово и҆саїи пррòка, єже рече: гдїи, кто вѣрова слѣхъ нашимъ, и мышца гдїна комѣ ѿкрысѡ; **С**егò ради не можѣхъ вѣроватьи, ѣкѡ паки рече и҆саїа: ѡслѣпїи о҆чи и҆хъ и ѡкаменилъ єсть сердца и҆хъ, да не видѣтъ очїма, ни раздѣбютъ сердцемъ, и ѡбратѣтсѡ, и и҆сцѣлю и҆хъ. **С**їа рече и҆саїа, егда видѣ славу егò и глагола ѡ немъ. **О**баче ѹвѡ и ѿ князь

мнози вѣроваша въ него, но фарїсеї ради не исповѣдовахѹ, да не ѿ сѡнищъ изгнани бѣдѹтъ: возлюбїша бо паче славы челоуѣческѹ, неже слава вѣжїю. ѡнъ же воззва ѿ рече: вѣрѹай въ мѧ не вѣрѹетъ въ мѧ, но въ пославашаго мѧ: ѿ видѧи мѧ видитъ пославашаго мѧ: азъ свѣтъ въ мїръ прїидѹхъ, да всѧкъ вѣрѹай въ мѧ во тмѣ не превѣдетъ: ѿ аще кто ѹслышитъ гл҃голы моѧ ѿ не вѣрѹетъ, азъ не сждѹ емѹ: не прїидѹхъ бо, да сждѹ мїрови, но да спсѹ мїръ: ѿметѧи сѧ менѣ ѿ не прїемиаи гл҃голы моїхъ ѿмать сдѧщаго емѹ: слово, еже гл҃ахъ, то сдѧтъ емѹ въ послѣднїй дѣнь: ѿкѹ азъ ѿ себѣ не гл҃ахъ, но пославыи мѧ ѡцъ, тои мнѣ заповѣдь даде, что рекѹ ѿ что возг҃лю: ѿ вѣмъ, ѿкѹ заповѣдь егѹ живѹтъ вѣчный естѹ: ѿже ѹбо азъ г҃лю, ѿкоже рече мнѣ ѡцъ, такѹ г҃лю.

Посем псалом 50. Таже, Спаси Боже люди Твоя: Господи помилуй, 12.

И трипеснец, творение господина Космы, егоже краестрочие: Тетради псало. Сиестъ В Среду воспѹю. Ирмосы по дважды. Тропари на 12. Последи же ирмос оба лика вкупе. Глас 2.

Песнь 3.

Ирмос: На камени мя веры утвердив, / разширил еси уста моя на враги моя, / возвесели бо ся дух мой внегда пети: / несть свят, якоже Бог наш, / и несть праведен, паче Тебе Господи.

Во тщетных соборище беззаконных, и мыслию собирается злонравною, осуждена Избавителя изрещи Тя Христе. Емуже поем: Ты еси Бог наш, и несть свят паче Тебе Господи.

Лютый совет беззаконных, притворяется богоборная души сущий, яко злоупотребна праведнаго убити Христа. Емуже поем: Ты еси Бог наш, и несть свят паче Тебе Господи.

Кондак, глас 4.

Подобен: Вознесыйся:

Паче блудницы Блаже, беззаконновав, слез тучи никакоже Тебе принесох: но молчанием моляся припадаю Ти, любовию облобызая пречистеи Твои нозе, яко да оставление мне яко Владыка подаси долгов, зовушу Ти Спасе: от скверных дел моих избави мя.

Икос: Яже первее блудница жена, внезапно целомудренна явися, возненавидевши дела студнаго греха, и сладости телесныя, поминающи студ многий и суд мучения, егоже претерпят блудницы и сквернии, от нихже первый есмь аз, и боюся: но пребываю в злом обычаи безумный. Блудная же жена

убоявшись, и потщавшись скоро прииде, вопиючи ко Избавителю: Человеколюбче и Щедре, от скверных дел моих избави мя.

Синаксарий. Стихи:

Жена полагаючи телеси Христову миро,

Никодимов предприят смирналой.

Во Святую и Великую Среду, помазавшия Господа миром жены блудницы, память творити повелеша Божественнейшии отцы: зане мало прежде спасительныя страсти сие бысть. Вшедшу бо Иисусу во Иерусалим, и в дому прокаженнаго Симона бывшу, жена к Нему приступи, и излия на главу Его оное многоценное миро. Учинено убо сего ради бысть zde, да по Спасову словеси везде и во всех оная теплейшее дело проповестся. Откуда же подвигшися прииде? Занеже сострадательное Христово зряше, и ко всем общительное, и ныне паче, егда в дом прокаженнаго того виде введена, егоже нечиста и отреченна во общение, закон повелеваше быти. Помысли убо жена, якоже онаго проказу, сице и ея душевный недуг исцелит. И убо возлежащу Ему на вечери, на верх главы Его лиет миро, яко ценою сущее динарий трех сот: еже есть шестьдесят ассарий, пенязей десять, сребренников триех. Ейже ученицы запретиша, и наипаче Иуда Искариотский: но Христос сию заступи, да не пресекут добраго ея намерения. Таже и погребение Свое воспоминает, Иуду отвращая предательства, и жену почести сподобляя, еже везде по вселенней сея доброму делу проповедатися. Ведомо же буди, яко жена сия, едина убо мнится неким быти, у евангелистов всех. Несть же, но у триех убо, якоже глаголет божественный Златоустый (Беседа на Матф. 13), едина и таяжде есть, яже и блудница сице именовася, у Иоанна же не ктому: но другая некая чудная, и житие имущая честное, Мариа сестра Лазарева, яже не аки блудница сущи, Христом любима бе. Сих же, овая убо Мариа, прежде шести дней Пасхи, в дому своем, иже в Вифании, на вечери возлежащу, мира помазание содея, на красней Онаго нозе сие изливающи, и главными власы сия отираючи, изобилия цены нань употребляючи, и аки Богу миро приносящи. Ведяше бо известно, яко и в жертвах приношашеся елей Богу (Исход гл. 30, Быт. 28 и 35): и священницы миром помазовахуся: и Иаков древле столп помаза Богу. Принесе же сие дарствующи яве Учителю, аки Богу, паки оживления ради братняго. Темже ниже мзда ей обещаваеся, егда и сам Иуда ропщет, яко любостяжателен. Другая же яве блудница, прежде двою дню Пасхи, в тойже Вифании еще сущу Христу и в дому бывшу Симона прокаженнаго на вечери, и тогда возлежащу, многоценное оное миро на главу изливает, якоже священный Матфей и Марк повествоваша. О сей же блуднице и ученицы негодуют, к милостыни Христу тщательно уготованное известно провидевше: сей же и мзда дадеся, еже всюду по вселенней доброму ея делу прославится. Овии убо едину: языком же златый сице две жене быти глаголет. Суть же нецыи и три сия быти глаголют: две убо предреченней, страсти Христовой к дверем

приближающейся, третью же иную прежде сих, паче же первую тамо близ среды проповеди евангельския сие сотворшую, яже и блудница и грешница бе, внутрь же дому не прокаженного, но фарисеа Симона. На нозе Христа Самаго, и наедине миро изливавшая: егда и един фарисей соблазняшеся, ейже и мзду Спас, оставление грехов дарует. О сей же токмо самой божественный Лука (зачало 33) в своем Евангелии близ среды, якоже речеся повествует. И по повести о сей блуднице, абие наводит сице глаголя: и бысть по сем, и Той проходилаше сквозе грады и веси, благовествуя и проповедуя Царствие Божие, от нихже является, яко не во время страсти сие бысть. Мнится убо и от времени, и от приемших Его, и от места, и лиц, и домов, еще же и от нрава миропомазания трем быти женам сим: две убо блудницы, третью же Лазареву быти сестру Марию, житием сияющую честным. И иной убо дом быти фарисеа Симона, другой же прокаженного Симона в Вифании, и иной паки дом Марии и Марфы сестр Лазаревых в тойже Вифании, якоже от сих сразумети есть: яко и две вечера бесте Христу, и обои в Вифании: едина убо прежде шести дней Пасхи в дому Лазареве, егда ядяше с ним и Лазарь, якоже громов сын повествует (Иоан. 41 зач.), глаголя сице: Прежде шести дней Пасхи, прииде Иисус в Вифанию, идеже бе Лазарь умерый, егоже воздвиже от мертвых. Сотвориша убо Ему вечерю, тамо, и Марфа служаше: Лазарь же един бе от совозлежащих Ему. Мария убо приемши литру мира нарда пистики многоценнаго, помаза нозе Иисусове, и отре власы своими нозе Его. Другая же вечера бысть Ему прежде двою дню Пасхи, еще сущу в Вифании Христу в дому Симона прокаженного, егда и блудница прииде к нему многоценное миро изливающи, якоже священный Матфей повествует глаголя (Матф. 108 зач.), яко от Христа ко учеником: весте, яко по двою дню Пасха будет. И помале паки наносит: Иисусу же бывшу в Вифании, в дому Симона прокаженного, приступи к Нему жена, алавастр мира имущи тяжкоценнаго, и возливаше на главу Его возлежащаго. Емуже согласует и Марк, глаголя (Марк. 63): Бе же Пасха, и опресноцы по двою дню, и сущу Ему в Вифании в дому Симона прокаженного возлежашу, прииде жена: и елика по сем. Прящися же и глаголющии, едину и туюжде быти, у четырех евангелистов жену помазавшую Господа миром единаго и тогожде мнят быти Симона, фарисеа же и прокаженного: егоже и отца Лазаря же и сестр его Марии и Марфы, быти нецыи издаша, и едину вечерю и туюжде, и тойжде и един дом его, иже в Вифании, у негоже и горница постлана уготовася, и таинственную Вечерю быти, не добре мнят. Сии бо две вечера, вне Иерусалима в Вифании бесте Христу прежде шести, и прежде двою [якоже речеся] дню законныя Пасхи, егда и жены мира различно Христу принесоша. Тайная же Вечеря, и посланная горница, внутрь града Иерусалима благоукрасишася, прежде единаго законныя Пасхи и страсти Христовы дне. Овии убо в дому неведомаго человека, овии же в дому [якоже глаголют] наперсника и ученика Иоанна во святом Сионе, идеже и ученицы страха ради иудейска бяху сокровени, и Фомино бысть осязание по воскресении, и Святаго Духа пришествие на Пятьдесятницу, и иная некая неизреченная и таинственная совершишася. Темже сие убо мнится ми,

и истине златоглаголиваго паче известнее быти, яко две убо сия жены вменяются: едина убо, якоже речеса у триех евангелистов, блудница сущи и грешница, на главу Христову миро возлиявшая: иная же у Иоанна, Мариа сестра Лазарева, самем же Божественным ногам Христовым сие принесшая и возлиявшая. Иныя убо яже в Вифании вечери: иную же быти Тайную. И явственно и от оных по повести о блуднице сей, ученики Спас ко граду посылает, уготовати Пасху. Идите, глаголя, во град ко онсице, и рцйте: Учитель глаголет, у тебе сотворю Пасху со ученики Моими. И паки: и срящет вы человек, скудельник воды нося, и той покажет вам горницу велию посланную, тамо уготовайте нам. Они же отшедше, глаголет, обретоша, якоже заповеда им, и уготоваша Пасху, яве законную при дверех сущую, юже и пришед соверши со ученики, якоже божественный Златоуст глаголет. Таже и Вечери бываемой, сиесть Тайной, и Божественному умовению посреде содеяну бывшу, паки возлег, и нашу предает Пасху на самой трапезе, якоже языком златый Иоанн повествует, и сия убо тако. Божественный же Иоанн, к сему и Марк, божественнии евангелисти, и мира вид приложиша, верное сие именовавше и многоценное. Возмнеша же пистикон, сиесть верное нарещи, нелестное же и нерастворенное и вверенное в чистоту, негли же и нарицание бе некое сие, изряднейшаго и перваго мира. Прилагает же Марк, яко и сосуд сокруши от тцания жена, аки тесновходный, иже и алавастр именуется. Есть же сей сосуд стекляный, якоже глаголет священный Епифаний, без рукояти сотворенный некия, иже и викион сице глаголется. Бе же миро оное сложенное от видов убо и иных многих, паче же от сих, смирны, цвета кинамома благоуханна, сиесть, трости ароматския, и елеа. Но иже умным миром помазавыйся Христе Боже, находящих страстей свободы, и помилуй нас, яко един Свят и Человеколюбец, аминь.

Песнь 8.

Ирмос: **Глагол мучителей понеже превозможе, / седмерицею пещь разжженна бысть иногда: / в нейже отроцы не опалишася, / цареву поправше веление, но вопияху: / вся дела Господня Господа пойте, / и превозносите во вся веки.**

Изливаючи жена миро честное, Владычню и Божественному страшному верху Христе, следов Твоих пречистых прикоснуса, оскверненыма дланьма, и вопияше: вся дела Господня Господа пойте, и превозносите во вся веки.

Слезами омывает нозе, повинная грехом, Создавшаго, и отирает власы своими. Темже в житии содеянных не погреси избавления, но вопияше: вся дела Господня Господа пойте, и превозносите во вся веки.

Священнодействуется избавление благонравней, от спасительных утроб же и слез источника, в немже исповеданием измывшись, не стыдяшеса, но вопияше: вся дела Господня Господа пойте, и превозносите во вся веки.

Таже, Хвалим, благословим:

Ирмос: Глагол мучителей понеже превозможе, / седмерицею пещь разжженна бысть иногда: / в нейже отроцы не опалишася, / цареву поправше веление, но вопияху: / вся дела Господня Господа пойте, / и превозносите во вся веки.

Честнейшую, не поем.

Песнь 9.

Ирмос: Душами чистыми, / и нескверными устнами, / приидите возвеличим Нескверную, / и Пречистую Матерь Еммануилеву, / Еюже из Нея к Рожденному приносяще молитву: / пощади души наша Христе Боже, / и спаси нас.

Неразумен явлься, и лукав ревнообразник, дар достоинбожествен словом продает. Имже долг разрешился грехов, крадый лютый Иуда любобожественную благодать: пощади души наша Христе Боже, и спаси нас.

Глаголет шед беззаконным князем: что ми хотите дати, и аз Христа вам искомаго хотящим предам? Присвоение Христово Иуда отринувый златом: пощади души наша Христе Боже, и спаси нас.

О слепотнаго сребролюбия нечестиве, отонудуже забвение получил еси, яко души никакоже равностоятелен мир, якоже научился еси: отчаянием бо сам себе удавил еси вжегся предателю: пощади души наша Христе Боже, и спаси нас.

Ирмос: Душами чистыми, / и нескверными устнами, / приидите возвеличим Нескверную, / и Пречистую Матерь Еммануилеву, / Еюже из Нея к Рожденному приносяще молитву: / пощади души наша Христе Боже, / и спаси нас.

Ексапостиларий, трижды, яко обычно:

Чертог Твой вижду Спасе мой украшенный, и одежды не имам, да вниду вонь, просвети одеяние души моя Светодавче, и спаси мя.

На хвалитех поставим стихи 4, и поем сия самогласны, глас 1:

Тебе Девыя Сына, / блудница познавши Бога, глаголаше, / в плачи молящися, яко слез достойная соделавшая: / разреши долг, якоже и аз власы: / возлюби любящую, праведно ненавидимую, / и близ мытарей Тебе проповем, / Благодетелю Человеколюбче.

Многоценное миро, блудница смеси со слезами, / и излия на пречистей нозе Твои, облобызаючи: / оную абие оправдал еси, / нам же прощение даруй Пострадавый о нас, / и спаси нас.

Егда грешная приношаше миро, / тогда ученик соглашашеся пребеззаконным.
/ Овая убо радовашеся, / истощаючи миро многоценное: / сей же тщашеся
продати Безценнаго. / Сия Владыку познаваше, / а сей от Владыки разлучашеся.
Сия свободяшася, / а Иуда раб бываше врагу. / Люто есть леность, велие
покаяние: / еже мне даруй Спасе, / пострадавый о нас, и спаси нас.

О Иудина окаянства! / Зряше блудницу целующую стопы, / и умышляше
лестию предания целование. / Оная власы разреши, а сей яростию вязашеся, / нося
вместо мира злосмрадную злобу: / зависть бо не весть предпочитати полезное. / О
Иудина окаянства! / От негоже избави Боже, души наша.

Слава, глас 2:

Грешная тече к миру, / купити многоценное миро, / еже помазати Благодетеля,
/ и миропродателю вопияше: / Дажь ми миро, / да помажу и аз Очистившаго / вся
моя грехи.

И ныне, глас 6:

Погруженная грехом, / обрете Тя пристанище спасения, / виждь и мира со
слезами растворяющую, / Тебе вопияше: / виждь согрешающих покаяния
ожидай. / Но Владыко спаси мя от волны греховныя, / великия ради Твоя
милости.

На стиховне стихиры самогласны, глас: 6.

Днесь Христос приходит в дом фарисеев, / и жена грешница приступивши к
ногам, валяшеся вопиючи: / виждь погруженную грехом, / отчаянную деяний
ради, / негнушаемую от Твоя благности: / и даждь ми Господи оставление злых, /
и спаси мя.

Стих: Исполнимся завтра милости Твоя, Господи:

Простре блудница власы Тебе Владыце, / простре Иуда руке беззаконным: /
ова убо прияти оставление, / ов же взяти сребреники. / Темже Тебе вопием
проданому и свободящему нас: / Господи слава Тебе.

Стих: И буди светлость Господа Бога нашего на нас:

Приступи жена злосмрадная и оскверненная, / слезы проливающи, любящи
Спасе, / страсть исповедаючи: како воззрю к Тебе Владыце? / Сам бо пришел еси
спасти блудницу: / из глубины умершую мя воскреси, / иже Лазаря воздвигнувый
из гроба четверодневна: / приими мя окаянную Господи, и спаси мя.

Стих: Исповемся Тебе Господи всем сердцем моим:

Отчаянная жития ради, и уведома нравы ради, / мира носящая приступи Тебе
вопиючи: / да не отвержеш мене блудную, / Родивыйся от Девы: / да не
презриши моя слезы радости ангелов. / Но приими мя кающуюся, юже не отринул
еси согрешающую Господи, / великия ради Твоя милости.

**Слава, и ныне, самогласен, глас 8:
Творение Кассианы инокини.**

Господи, яже во многия грехи впадшая жена, / Твое ощутившая Божество, / мироносицы взявши чин, / рыдающи миро Тебе прежде погребения приносит: / увы мне глаголющи! / яко ночь мне есть разжжение блуда невоздержанна, / мрачное же и безлунное рачение греха. / Приими моя источники слез, / иже облаками производяй моря воду. / Приклонися к моим воздыханием сердечным, / приклонивый небеса неизреченным Твоим истощанием: / да облобыжу пречистей Твои нозе, / и отру сия паки главы моя влася, / ихже в раи Ева, по полудни, / шумом уши огласивши, страхом скрыся. / Грехов моих множества, и судеб Твоих бездны кто изследит? / Душеспасче Спасе мой, / да мя Твою рабу не презриши, / иже безмерную имеяй милость.

И абие, Благо есть: Трисвятое с поклоны, и час 1-й без стихословия: Бывают же и поклоны по чину их. И литиа. И отпуст. И прочее якоже прежде указася в Понедельник Великий.

НА 6-М ЧАСЕ ТРОПАРЬ ПРОРОЧЕСТВА, ГЛАС 8:

Днесь лукавое собрася сонмище, / и на Тя тщетная поучишася. / Днесь от согласия удувление Иуда обручает, / Каиафа же неволею исповедует: / яко един за всех восприемлехи смерть волею, / Избавителю наш Христе Боже, слава Тебе.

Прокимен, псалом 133, глас 4: Благословит Тя Господь от Сиона, сотворивый небо и землю.

Стих: Се ныне благословите Господа вси раби Господни.

Пророчества Иезекиилева чтение. [Глава 2, ст. 3 – 10, глава 3, ст. 1 – 3]

Рече Господь ко мне: сыне человекъ, послю тя Аз к дому Израилеву, огорчевающим Мя, иже огорчиша Мя, сами и отцы их отвергошася Мене до днешняго дне. И сынове жестоколичнии, и твердосердечнии: Аз послю тя к тем, и речеши к ним: тако глаголет Адонаи Господь. Аще убо услышат или убоятся: зане дом огорчеваяй есть, и познают, яко пророк еси ты посреде их. И ты сыне человекъ, да не убоишися их, ни ужасайся от лица их: зане разсвирепеют и обыдут тя окрест, посреде бо скорпиев ты живеши: словес их не убойся, и от лица их не ужасайся, зане дом огорчеваяй есть. И возглаголеши словеса Моя к ним: аще убо услышат, или убоятся, зане дом прогневаяй есть. И ты сыне человекъ послушай Глаголющаго к тебе, не буди огорчеваяй, якоже дом преогорчеваяй: отверзи уста твоя, и снеждь, яже Аз даю тебе. И видех, и се рука простерта ко мне, и в ней свиток книжный. И разви его предо мною, и в том писана быша предняя и задняя: и вписано бяше в нем рыдание, и жалость, и горе. И рече ко мне: сыне человекъ, снеждь свиток сей, и иди, и рцы сыном Израилевым. И отверзох уста моя, и напита мя свитком сим. И рече ко мне: сыне человекъ, уста твоя снедят, и чрево твое насытитися свитка сего даннаго тебе: и снадох его, и бысть во устех моих яко мед сладок.

Прокимен, псалом 134, глас 6: Боящиися Господа, благословите Господа.

Стих: Хвалите имя Господне, хвалите раби Господа.

Чтение Евангелиа. И по чину Трисвятое с поклоны и отдаем стихословие часов. Девятый же час начинаем от Трисвятаго: в немже и последнее бывает чтение от Евангелиа. Таже глаголем: Не предаждь нас: Трисвятое с поклоны. Такожде и блаженны. Творяще и обычныя поклоны. Глаголем же и кондак Великия Среды, и храма святаго, или святыя. Слава, Со святыми упокой: И ныне, храма, Богородицы. Аще же ни, глаголем: Предстательство христиан: Господи помилуй, 40, и 3 великия поклоны, и 12 малыя. Трисвятое: и поклоны 3. Господи помилуй, 12, и молитва: Всесвятая Троице: Таже, Достойно есть: Слава, и ныне: и вместо отпуста глаголет настоятель молитву: Владыко многомилостиве: всю до конца. Сей же глаголемей мы ниц падше на землю, молимся.

И по исполнении тоя, нам воставшим, преклоняется и той сам к братии, и просит прощения, глаголя: Благословите отцы святии, и простите ми грешному, яже согреших во всей жизни моей, и во всей святей Четыредесятнице, словом, делом, помышлением, и всеми моими чувствами. Братиям же отвещавшим: Бог да простит ти честный отче. Таже приходят и братия два два, просят подобне и тии прощения, глаголюще: Прости мя отче святыи: и прочее, якоже выше писася. И приемше прощение, идем в келлии наша, и молчим до часа вечерняго. В соборных же храмах и приходских росход не бывает: но по прощении трезвон в двои.